

ایشانمہ معاملاتنہ تعلق ایلیان مخبرات خصوصیه ایچون استعمال ایدیلہ میہ جکدر .

حکومت سنیہ پوستہ وتلغراف وتلفون نظارتی جانبندن تعیین ایدیلہ جک مفتشمل معرفتیلہ شهر تیمور یولنہ عائد تلار ایله اجرا اولنان بالجلہ تلغراف مخبراتی هر آن تفتیش ایتدیرمک حققی حائزدر .

حکومت سنیہ برتلغراف تلی تأسیس خصوصینده شهر تیمور یولنک دیرکاردن استفاده ایدہ بیلہ جکی جهتله اشبو دیرکار شرکتک تلارندن ماعدا ایجابنده اشبو فضیله تله ده تحمل ایدہ بیلہ جک صورتده تأسیس ایدیلہ جکدر .

حکومت سنیہ ایجابنده مصارفی کندوسنہ عائد اولمق اوزره خط بونجه آریجه دیرک رکز ایدہ بیلہ جکی کی حکومتہ عائد خطوطک منقطع اولمسی ویاخود بوزولمسی حائنده شهر تیمور یولنک معاملاتنی سیکته دار ایتماک شرطیلہ شرکتک خطوطیلہ مهم عدایلدیکی تلغرافنامہ لری کشیده ایتدیرمک اوزره موقفلرده تلغراف مامورینی ده اقامہ ایلہ بیلہ جکدر . (مابعدی وار)

تصحیح

۱۳۲۹ سنه سی مارتی غایه سنہ قدر بغداد ولایتہ خارجدن کتیریلہ جک دقیق و ذخائر دن کمرک رسمی التماسی حقنہ اولوب تقویم وقایعک ۲۸ ربیع الاول سنہ ۱۳۳۱ و ۲۲ شباط سنہ ۱۳۲۸ تاریخ و ۱۳۹۳ نومرولو نسخہ سیلہ نشر اولان قانون موقتک عدلیہ نظامتی احصائیات ومدونات قانونیه اداره سندن مورود صورتی سرلوحہ سنہ سہوا «مارتی» کلمہ سی یازلامش اولدینی اداره مذکورہ دن اخیراً بیلدیرلمکله تصحیح کیفیت اولنور .

مواد عمومیہ

مکہ مکرمہ مرکزندہ شهر حال ابتداسندن اعتباراً داخلی پوستہ پاکتی و قیمت مقدرہ لی مکتوب وحوالہ نامہ وبشرط التأدیہ پوستہ پاکتی معاملاتنک تأسیس وتطبیقنہ مباشرت ایدلمش اولدینی پوستہ وتلغراف وتلفون نظارتندن بیلدیرلمشدر .

مالیہ نظارتی وزنہ عمومی ممبریندرہ :

[اعلانہ حربیہ]

پاره غروش

۱۰۲۶ سکود قضاسی مال مدیریندن

۴ ۴۳۴۰ مصردن مبايعات قومیسونی حربیہ نظارتنک تذکرہ سیلہ

۴۴۸۰ بارملی دن تذکرہ سامیہ ایله ورود ایدن

۱۶۸۰ سوندلادن » » »

۱۷۴۴۲ طرزون ولایتک اردو قضاسنہ ملحق بولومان ناحیہ سی

اعانہ حربیہ قومیسونی ریاستندن

۱۲ ۴۵۰ لهستان داخلندہ چت استوقوف شهرندہ اتنہ قضالی

فرونجی یوغلی زاده علی افندی طرفندن اهدا اولنان

پاره غروش

۲۰ ۱۰۳۵ وزنہ عمومی تأدیات کیشہ لرندہ بولندیریلان اعانہ

قوطلرندہ ظهور ایدن

۹ ۱۴۷۲۶ شخصات ذاتیہ تأدیات کیشہ لرندہ بولندیریلان اعانہ

قوطلرندہ ظهور ایدن

۵ ۴۵۱۸۰ یکون

۶ ۲۱۹۰۷۸۴۲ یوم سابق یکونی

۱۱ ۲۱۹۵۳۰۲۲ جملة یکون

اعانات

استانبول پولیس مدیریت عمومیہ سندن :

استانبول پولیس مدیریت عمومیہ سی ایله ملحق پولیس مراکز و مواقعه لزومی اولان دفاتر موقع مناقصہ وضع اولنہ رق تاریخ اعلاندن اعتباراً اون کون صکرہ حالہ اولیہ سی و قرق سکرز ساعت صکرہ ده حالہ قطعیہ سی اجرا قلنہ جقندن طالب اولانلرک نمونہ لرنی کوروب پی سورمک اوزره مدت محرره ظرفندہ استانبول پولیس مدیریت عمومیہ سی اداره قومیسوننہ مراجعت ایللمری اعلان اولنور .

رسومات مدیریت عمومیہ سندن :

مدیریت عمومیہ قونترول قلمی ایچون اعمال و مبايعہ سنہ لزوم کورینان ایکی بیک عدد قارنہ مهور نمونہ سی وجهله و قبالی ظرف اصولیلہ مناقصہ قونلش و ۱۳۲۹ سنه سی مارتنک دردنجی بازار ایرتسی کونی حالہ سنک اجرایی مقرر بولنش اولدیغندن اعمال واعطایہ طالب اولنلرک شرائط و نمونہ سی کوردکن صکرہ یوزده اون دیپوزیتو اچقسنی مستصحباً یوم مذکورہ قدر مدیریت عمومیہ دائرہ سنده متشکل لوازم قومیسوننہ مراجعتله تسکلیفلرنی بیلدیرملری اعلان اولنور .

دیون عمومیہ دن :

کاغذ و مقوانک غیری مواد اوزرینہ ترتیب و تحریر اولنہ رق مواقع عمومیہ ده الصاق ویا تعلیق ویا آخر صورتله تشہیر اولنان اعلانات تمغا قانوننک طقوزنجی مادہ سنک طقسان درت نومروسندہ محرر رسوم سنویہ یه تابع و قانون مذکورک اوتوز بشنجی مادہ سی منظوقنجه اشبو رسومک هر سنہ مالیہ ابتداسندنہ تأدیہ سی مقتضی بولنمشدر . بناءً علیہ اوچیوز یکرمی طقوز سنہ سی رسومنک تسویہ و اداسی ایچون غلطہ ده عمر عابد خاننک اوچنجی قاتندہ ۱، ۲، ۱۹، ۲۰ نومرولی اوطہ لرده واقع پول مدیرینہ مراجعتله قانونک دردنجی فصلنک قسم ثانی موجبنجه اقتضا ایدن معاملات نظامیہ نک ایفاسی امرندہ مکلفینہ بر سهولت اولمق اوزره سنہ مزبورہ ابتداسندن نیشاننک اوتوزینہ قدر ایکی ماه مدت تعیین قلممش اولدیغندن بو مدتک مرورندہ سنہ مذکورہ عائد رسوم سنویہ سی ایفا ایدلیان هر نوع اعلانات مخالف قانون عد اولنہ رق اوتوز سکرزنجی مادہ احکامنجه هر بری ایچون آری آری جزای تقدی استیفا ایدیلہ جکی و بیک اوچیوز یکرمی سکرز سنہ سی شباطی نہایتنہ قدر یعنی سنہ مزبورہ

ظرفنده تأدیه ایدلمش اولان رسوم سنویه مذ کورده نك هانكي تاريخنده تسويه ایدلمش اولور ايسه اولسون خاصة اوچيوز يكرمی سسكن سنه ماليه سنه راجع بولنش اولديغندن اوچيوز يكرمی طقوز سنه سنه عائد رسومك بالاده ذكر اولنان مدت ظرفنده هر حالده تأدیه سی مقتضى اولديغی اعلان و اخطار اولنور .

۳۰ - ن

بالجمله انجی و اولطه جی و مادربه باز اصنافك هر سنه مارت ابتدا سنده و مدیه و استریدیه مثللو محصولات بحریه سرکیچیلر بلك دخی سرکیلرینی حین كشاده صنعتلرینه مخصوص برر قطعه رخصت تذکره سی آللری در سعادت و توابعی بالقخانه نظامنامه سنك برنجی ماده سی اقتضاسندن وبلا تذکره اجرای صیده تصدی ایدنلر حقهنده معامله جزاییه اجراسیده ایکنجی ماده نظامیه احکامندن بولنش اولديغندن بعدما او مثللو معامله جزاییه اجراسنه مجبوریست حاصل اولماق اوزره هر صنف صیادك و قتیله و صیده چیقمزدن اول بالقخانه مرکز مدیریتته و یاخود بولندقلری محللارك دیون عمومیه اداره لرینه مراجعتله خرج نظامیسنی اعطا ایدرك رخصت تذکره سی آللری لزومی اعلان اولنور .

۲

دیون مبدله موحدہ تحویلاتنك ۱۹ نومرولی قویوننه ۱۴ - ۱ مارت سنه ۱۹۱۳ تاریخندن اعتباراً یوزده ایکی فائض اعطا اولنه جنی و تحویلات مذ کوره فائضلرینك امر تأدیه سی قویونك اوزرنده محرربولان بلادك كافه سنده ۳۱ اغستوس ۱۹۱۳ تاریخنه قدر ایفا اولنه جنی و بو مدتك اقتضاسندن صکره یالکز در سعادتده تأدیه ایدیله جکی دیون عمومیه عثمانیه مجلس اداره سی جانبدن عمومیه اعلان اولنور .

۳

موقع مزایده وضع ایدلیدیکی کچنده اعلان اولنان مانیاس کولنك درت سنه لك صیدیه سی الیوم درت بیک بشیوز لیرا پی آلتنده بولنديغندن ضم ایله طالب اولانلرك شرائط مزایده یی اكلامق و پی سورمك اوزره باندومه دیون عمومیه مدیریت ایله بروسه دیون عمومیه باش مدیریتته و اداره مرکزیه صید و شکار شعبه سنه مراجعت ایللری لزومی اعلان اولنور .

۳

مسکرات بیعیه رسمنك برنجی تقسیط زمانی اولان بیک اوچيوز يكرمی طقوز سنه سی مارتی تقرب ایتمکده اولديغندن مسکرات صانانلرك بیعیه نظامنامه سنك اون دردنجی ماده سی موجب ججه مدت تأدیه نظامیه اولان سنه حالیه شباط ماهی ظرفنده بیعیه رسمنی ایفا ایله مجدداً تذکره آللری لازم کلدیکی و بموجب تشکیلات غلطه مسکرات مرکز مدیریتله از ناوودکوی و صارییار و بکقوز و اسکدار و قاضی کوی و قومقو دیون عمومیه اداره لرینه نظامنامه مذکور اونجی ماده سنك صوك فقره سنه توفیقاً مراجعتله تجدید تذکره ایتدیمرلری ایجاب ایدیدیکی و مارت ماهنك حلولندن اول تذکره المایوبده ماه مذکورك برنجی کونندن اعتباراً بلا تذکره مسکرات صانانلر حقهنده معامله جزاییه نك اجرا قلنه جنی اعلان اولنور .

نچ پا - ۲۸ ط

دفتر خاقانی سندات عمومیه اداره سندن :

فاطمه خانم بنت علینك عهده سنده ایکن وفاتنه قدر بسله مك شرطیله برادری عسکری قائم مقامانندن متقاعد بکر بك ابن علی به مجاً فراغ ایدوب متفرغ مومی الیهك شرط مذ کوره عدم رعایتندن والیوم محل اقامتی مجهول ایدو کندن بحثله اعاده نامنه تصحیح قیدی فارغه مومی الیه طرفندن استدعا اولنان سر اجخانه باشنده حیدر خانه محله سنده کلخان سسرقاغنده درت نومرو ایله مرقم بر باب خانه نك نصف حصه سی حقهنده مامورین مخصوصه اعزامیله ۳۲۹ سنه سی مارتنك اوتوزنجی جمعه ایرتسی کونی فارغه مومی الیهانك الیوم مقیمه بولنديغنی کاتب سنان محله سنده تحقیقات اجرا ایتدیریله جکندن بوباده برکونه ادعاسی اولديغنی حالده سردو اتیان ایدمك اوزره مومی الیه بکر بلك بالذات بولنسی و یا طرفندن بروکیل شرعینك حاضر بولنديرلسی لازم کله جکنك بیان و اعلانه مبادرت قلدی .

افنیک خانمك استقراض ایدلیدیکی طقوز یوز عدد لیرای عثمانی منابلنده یودالتون افندی عهده سنه وکالت دوریه ایله وفاء مفروغ بولنان بوزاز ایچنده بیو کدره محله وجاده سنده ۱۹۵ و مکرر ۱۹۵ نومرولو سنوی اون اوچ بیک غروش ایجاره متحمل ۱۴ اوطه و ۴ صغه ۴۹۰ ذراع مرصه اوزرینه مبنی توسیع انتقالو ریختیم محلی مشتمل ساحلخانه ایله دیگر بر باب خانه نك تسویه دین ایدلما سندن طولانی ۱۳ شباط سنه ۳۲۸ تاریخنده موقع مزایده وضع اولنه رق قرق بش کون مرورنده حاله اولیه و اون بش کون صکره حاله قلعیه سی اجرا قلنه جغندن طالب اولانلرك قیمت تخمیه سی اولان ۱۷۰۰۰۰ غروشك یوزده اونی نسبتنده تأمینات اچیه سی مستصحباً دفتر خاقانی نظارتی سندات عمومیه اداره سنه مراجعت ایللری اعلان اولنور .

۱۵ ما

خلیل و عمر و حسین افندیلرك استقراض ایدلیدیکی یوز فرق لیرا مقابلنده علی بك عهده سنه وکالت دوریه ایله وفاء مفروغ بولان سلطان بایزید جوارنده امین بك محله سنده برmq قپو جاده سنده قرق بیک غروش قیمت تحریر یولو و ۸ نومرولو شهری ۲۴۰ غروش ایجاره متحمل ۱ اوطه یی حاوی دکان مایکنك یوز يكرمی سهم اعتباریله قرق بش سهمیله دروننده مستقر بر عدد خفاف کدکنك کذلک یوز يكرمی سهم اعتباریله قرق سهمنك یوز التمش سهم ترتیبیله یوز اون درت سهمی وینه محل مذ کورده اوچیلر باشی جاده سنده يكرمی درت بیک غروش قیمت تحریر یولو فوقنده بر اوطه یی مشتمل دکان دروننده مستقر اسکیجی دکانی کدکنك یوز يكرمی سهم اعتباریله توسیع انتقالو التمش یدی بچق سهمی تسویه دین ایدلما سندن طولانی ۱۵ شباط سنه ۳۲۸ تاریخنده موقع مزایده وضع اولنه رق قرق بش کون مرورنده حاله اولیه و اون بش کون صکره حاله قلعیه سی اجرا قلنه جغندن طالب اولانلرك قیمت تخمیه لرینك حصه مصیبه لری یوزده اونی نسبتنده تأمینات اچیه سی مستصحباً دفتر خاقانی نظارتی سندات عمومیه اداره سنه مراجعت ایللری اعلان اولنور .

۱۴ ما